

გარდა ზემოთ აღნიშნული მონოგრაფიისა, ალექსანდრე ბურთიკაშვილის კალამს ეკუთვნის: ნატო გაბუნია (1949 წ.), სცენის ოსტატები (1951 წ.), შალვა დადიანი (1951 წ.), გიორგი არაძე-იშხნელი (1954 წ.), ალექსანდრე იმედაშვილი (1956 წ.), ალექსანდრე ყაზბეგი (1955 წ.), თეატრალური პორტრეტები (1958 წ.), ვახტანგ ქაბუკიანი (1961 წ.), ლადო მესხიშვილი (1962 წ.), თეატრალური პორტრეტები (1963 წ.), შაქრო გომელაური (1959 წ.), ნუცა ჩხეიძე (1963 წ.) და უამრავი რეჟიზია, მოგონება, მინიატურა, იუმორისტული ჩანახატი.

რით აიხსნება ალექსანდრე ბურთიკაშვილის ნაწარმოებთა პოპულარობა?

დაუშრეტელი ენერგიით, ძიებით, თხრობის ოსტატობით, ხატოვანი სტილით და, რაც მთავარია, თეატრალური ხელოვნების საფუძვლიანი ცოდნით.

ღვაწლმოსილ ხელოვანსა და მკვლევარს სამოცდაათი წელი შეუსრულდა, მაგრამ იგი კვლავ გატაცებით მუშაობს თეატრალურ პორტრეტზე. მკითხველი მალე მიიღებს ლადო მესხიშვილისა და ვალერიან გუნიას ვრცელსა და შინაარსიან მონოგრაფიებს.

ბაადურ ქალანდარიშვილი

წიგნის თეატრი

გაგაცემთ ალბათ სახელწოდება „წიგნის თეატრი“. ასეთი თეატრი უკვე მუშაობს კოსტრომაში. მისი დამაარსებელი და დირექტორია ა. ს. პუშკინის სახელობის საქალაქო ბიბლიოთეკის გამგე რ. შევცოვი. წიგნის თეატრმა, რომელიც რუსული საბჭოთა და კლასიკური ლიტერატურის, აგრეთვე საზღვარგარეთის პროგრესულ მწერალთა შემოქმედების პროპაგანდას ეწევა, გასულ წელს დაიწყო მუშაობა.

წარმოდგენა იწყება პატარა ლექციით, შემდეგ უჩვენებენ სპექტაკლს ან თეატრალურ კონცერტს, რასაც მოჰყვება სამეცნიერო-პოპულარული ან დოკუმენტური ფილმების დემონსტრირება.

თეატრის პირველი პროგრამა მიეძღვნა ა. ს. პუშკინის შემოქმედებას. პოლიტიკური განათლების სახლის საოლქო ბიბლიოთეკის ფოიეში მოეწყო წიგნების საინტერესო ექსპოზიცია თემაზე „პუშკინი—რუსული პოეზიის მწვე“, რომელზეც წარმოდგენილი იყო პოეტის ხიცოცხლეში გამოსული ზოგიერთი წიგნი და ცნობილი რუსი მხატვრების ქმნილებათა რეპროდუქციები.

კოსტრომელებმა უკვე ნახეს თეატრის ხუთი დადგმა: „მ. ი. ლერმოლოვი — ხალხთა თავისუფლებისა და ბედნიერებისათვის ბრძოლის მომდერალი“, „ა. ი. გერცენი — დიდი რუსი რევოლუციონერ-დემოკრატი, ფილოსოფოსი და მწერალი“ და სხვ.

ლიტერატურული პროპაგანდის ამ ახალმა და თავისებურმა ფორმამ კულტურის მუშაეთა ყურადღება მიიპყრო; საზოგადოებრივ საწყისებზე თეატრის მუშაობაში მონაწილეობენ ქალაქის აკადემიური გუნდი, განათლების მუშაკთა სახლის დრამატული წრე, ადგილობრივი თეატრებისა და ფილარმონიის მხახიობები.

